

**Inatsisartut aalajangiiffigisassaattut siunnersuut sermip erngullu avammut nioqqutiginnissaannut inatsisip allannguutissaanik Naalackersuisut saqqummiusseqqullugit peqquneqarnissaannik, aatsitassat pillugit inatsisip § 17 imm. 2 ilusaanut assingusumik aalajangersakkamik ilanngusseqqullugit siunertaqartumik. Aalajangersakkap isumannaassavaa sermip erngullu avammut nioqqutiginerani Namminersorlutik Oqartussat suliffiutaasa suliffeqarfimmut piginneqataasinnaannaat, piginneqataassutip 40 %-imik minnerpaaffilerlugu. (Inatsisartunut ilaasortaq Per Rosing-Petersen, Partii Naleraq)**

### **Akissuteqaat**

(Inuusutissarsiornermut, Suliffeqarnermut, Niuernermit Nukissiuuteqarnermullu Naalackersuisoq)

### **Siullermeerneqarnera**

Naalackersuisut sinnerlugit Inatsisartunut ilaasortaq Per Rosing-Petersen, Partii Naleraq, aalajangiiffigisassatut siunnersuuteqarneranut qutsavigaara.

Sermip erngullu avammut nioqqutigineranik suliassaqarfimmut periusissiamik Naalackersuisut ingerlatsipput. Tamanut tusarniaassutiginera naammassereerpat ataatsimiinnerup matuma ingerlanerani periusissiaq Inatsisartunut nassiuunneqarumaarpoq.

Suliamut tassunga ilaatillugu ilaatigut suliassaqarfimmut tunisassiortunik aningaasalliinissamullu kajungersaarinnissamut tunngatillugu Kalaallit Nunaata unammillerfigisaanik nunani arlalinni attuumassuteqartutut unammillernissamut najoqqutaasunik assersuussilluni misissueqqissaarnermik suliaqartoqarsimavoq. Avammut nioqquteqartartut tunisassiortnermik aallartitaqartussamut Kalaallit Nunaata piffissami matumani nunat akisunerpaat ilagigaat misissueqqissaarnerup takutippaa.

Aatsitassanut ikummatissanullu inatsimmi § 17, imm. 2-mi ittutulli aalajangersagaq, tunisassiortuusinnaasup tungaanit isigalugu, Kalaallit Nunaanni tunisassiortnermik aallartitsiniarnissamik kajungernanninnerulersitsissaaq, Namminersorlutik Oqartussat iluaqutigissappassuk, Namminersorlutik Oqartussat peqataallutik ilanngussinnaannaannut periarfissaq taama ittoq siullertut pingaarnertullu iluaqutiginiagaasutut isumaliutigineqarsinnaanera pissutigalugu.

Periusissiamut siunertaq tassaavoq sermimut imermullu suliassaqarfimmi iliuuserisamik anguniagassiillunilu pitsaanerpaanngorsaanissaq, ilanngullugu ajornanngippat

sinaakktissatut atugarisanik il.il. iluarsiinikkut, tamatumuuna nunanut allanut nunatsinni imermik avammut nioqquteqarnerup aallartinnissaa kajungernarnerulersinniarlugu.

Siuliani taaneqartut, minnerunngitsumillu Naalakkersuisunillu oqaatigineqareersutut periusissiamik ingerlatsilereermata, siunnersuutip itigartitsissutiginnissaa Naalakkersuisut inassutigaat.